

Ե. Մարգիսով

ԱՆԳՆՈՒԱՄԵՐԻԿԱՆ ԻՆՏԵՐՎԵՆՑԻԱՆ ԱՆԴՐԿՈՎԿԱՍՈՒՄ
1918—20 ԹՎԱԿԱՆՆԵՐԻՆ ԵՎ ԱՆԴՐԿՈՎԿԱՍԻ ԺՈՂՈՎՈՒՐԴՆԵՐԻ
ՊԱՅՔԱՐԸ ԻՐԵՆՑ ԱԶԱՏԱԳՐՈՒԹՅԱՆ ՀԱՄԱՐ¹

Անգլո-ամերիկյան իմպերիալիստների՝ համաշխարհային տիրապետութ-
թյուն ստեղծելու ավազակային ու ագրեսիվ քաղաքականությունը առան-
ձին ցայտունություն զրոհորվեց դեռևս առաջին համաշխարհային պատե-
րազմի ժամանակ և, մանավանդ, պատերազմից հետո:

Հոկտեմբերյան Սոցիալիստական Մեծ ռևոլյուցիան ջախջախիչ հար-
ված հասցրեց անգլո-ամերիկյան իմպերիալիստների ագրեսիվ պլանների
իրագործմանը: Ահա թե ինչու Անգլիան, ԱՄՆ-ը և Ֆրանսիան խաչակրած
արշավանք կազմակերպեցին Սովետական Ռուսաստանի դեմ՝ սովետական
կարգերը վերացնելու և Ռուսաստանն ու նրա ծայրամասերը իրենց մեջ
բաժանելու համար:

Անգլո-ամերիկյան զավթողական պլաններում Անդրկովկասը գրավում
էր կարևոր տեղ: Անդրկովկասը եվրոպական գաղութարարների կողմից
դիտվում էր Սովետական Ռուսաստանի դեմ ուղղված ռազմա-ստրատե-
գիական կարևոր պլանգրամ, միաժամանակ, կարևոր բաստիոն՝ Հոկտեմ-
բերյան Սոցիալիստական Մեծ ռևոլյուցիայի ազդեցության հետագա տա-
րածումը Արևելքում կասեցնելու համար, որտեղ անգլո-ամերիկյան իմ-
պերիալիստները ուզում էին հաստատել իրենց տիրապետությունը:

Անգլո-ամերիկյան և ֆրանսիական իմպերիալիստները Հոկտեմբերյան
Սոցիալիստական ռևոլյուցիայի առաջին իսկ օրից որոշեցին՝ ինչ գնով էլ
լինի խեղդել սովետական կարգերը Ռուսաստանում և այն իրենց մեջ բա-
ժանել: Ահա թե ինչ է գրում ԱՄՆ-ի պետական դեպարտամենտի քարտու-
ղար Լանսինգը պրեզիդենտ Վիլսոնին. «Եթե բոլշևիկները մեզ կառավա-
րության գլուխ, այդ դեպքում մենք այլևս չբոլորովին ոչ մի բանի վրա
չենք կարող հույս դնել»:

Անգլո-ամերիկյան իմպերիալիստներն ամեն ջանք թափում էին օգ-
տագործելու ինչպես Սովետական Ռուսաստանի, այնպես էլ Ռուսաստանի
ծայրամասերի կոնտրոլյուցիոն ուժերը՝ իրենց ագրեսիվ ծրագրերի կեն-
սագործման համար: Սովետական Ռուսաստանի բաժանման պլանը Ան-
տանտայի պետությունների միջև կազմվել էր դեռևս 1917 թ. դեկտեմբե-
րին: Այդ պլանի համաձայն Անդրկովկասը և Միջին Ասիան մտնում էին
անգլիական զոնայի մեջ:

¹ Զեկուցված է 1953 թ. փետրվարի 27-ին Հայկական ՍՍՌ ԳԱ գիտական սեռի-
յում, նվիրված Վրաստանում սովետական կարգերի հաստատման 32-րդ տարեգարծին:

² «Papers Relating to the Foreign Relations of the United States», The Lansing pa-
pers, 1914—1920, vol. II, Washington, 1940, p. 344.

Հոկտեմբերյան Սոցիալիստական ռևոլյուցիայից անմիջապես հետո, որը նոր դարագլուխ բացեց մարդկության պատմության մեջ, Անդրկովկասի կոնտրոկոլյուցիան՝ հանձինս գաշակների, մենչևիկների և մուսավաթականների, կտրեց Հայաստանը, Վրաստանը և Ադրբեջանը Սովետական Ռուսաստանից և դրանով հեշտացրեց սկզբում գերմանո-թյուրքական և ապա ամերիկա-անգլիական իմպերիալիստների գաղութային պլանների իրագործումն Անդրկովկասում և այն դարձրեց պլացդարմ Սովետական Ռուսաստանի դեմ: Մինչև 1918 թ. նոյեմբեր ամիսը, ինչպես Հայաստանում, այնպես էլ Վրաստանում և Ադրբեջանում իշխում էին գերմանական և թյուրքական զավթիչները, որոնց փոխարինեցին ամերիկա-անգլիական իմպերիալիստները:

Անդրկովկասի կոնտրոկոլյուցիոն ուժերից կազմված բլոկը՝ սեյմը 1918 թ. ապրիլի 22-ին հայտարարել էր Անդրկովկասի անջատումը Սովետական Ռուսաստանից, որով և փաստորեն կատարել էր իմպերիալիստական պետությունների կամքն ու թելադրանքը:

Ընկեր Ստալինը ժամանակին կոնկրետ ցուցումներ տալով Անդրկովկասի բոլշևիկներին, իր հայտնի «Դրուժյունը Կովկասում» և «Կովկասում ստեղծված դրուժյան շուրջը» հոդվածներում մերկացնում է կոնտրոկոլյուցիոն սեյմի և գերմանո-թյուրքական զավթիչների հակասովետական դաշինքը: «Անդրկովկասի դրուժյունն ավելի ու ավելի սպառնալից է դառնում,—գրում է ընկեր Ստալինը,—Սեյմի կողմից Անդրկովկասի անկախության հայտարարումը (22 ապրիլի), որը պետք է արձակեր Թիֆլիսի «կառավարության» ձեռքերը, փաստորեն նրան գցեց միջազգային գիշատիչների ծուղակը... Թիֆլիսի մենչևիկների ու նրանց կառավարության անկախությունը ռուսաստանյան ռևոլյուցիայից անխուսափելիորեն փոխարկվելու է նրանց ստրկական կախման, թյուրք-գերմանական «քաղաքակիրթ» գիշատիչներից: Այդ կլինի Թիֆլիսի՝ իշխանության դուրս կանգնած մենչևիկների դաշինքը թյուրք-գերմանական իմպերիալիստների հետ ընդդեմ ռուսաստանյան ռևոլյուցիայի»¹:

Անդրկովկասի ժողովուրդներն իրենց բուռն բողոքը հայտնեցին հակասովետական կռալիցիայի այդ քայլի դեմ և էլ ավելի ուժեղացրին իրենց պայքարը իմպերիալիստական գիշատիչ պետությունների վարձկանների դեմ՝ հանուն Սովետական իշխանության հաղթանակի ամբողջ Անդրկովկասում, «... ամբողջ Անդրկովկասի բանվորներս ու գյուղացիներս,—ասված է Շահումյանի «Սեյմի քաղաքականության և Անդրկովկասի դրուժյան մասին» զեկուցման առթիվ ընդունված բանաձևում,— ոչ մի դեպքում չենք հաշտվում Անդրկովկասը ռևոլյուցիոն Ռուսաստանից անջատելու հետ, և ղենքը ձեռքներիս կկռվենք թյուրք-գերմանական բանդաների դեմ և նրանց գաշակիցների—դավաճաններ Ջսենկելի, Ջիաթխանով-Խոյսկիների և նմանների դեմ»²:

Անդրկովկասը Սովետական Ռուսաստանից անջատելու կապակցությամբ ընկեր Ստալինը գրել է, որ

«Ամբողջ Հայաստանը բողոքում է Թիֆլիսի ինքնակոչ «կառավարու-

¹ Ի. Վ. Ստալին, Երկեր, հատ. 4, էջ 107:

² Ստ. Շահումյան, Ընտիր երկեր, Երևան, 1948, էջ 625—628:

թյան՝ ուղղութիւնը պարզութեամբ դեմ, պահանջելով սեյմական դեպուտատներին հեռացում: Իսկ մուսուլմանականութեան կենտրոնը, Բաքուն, Սովետական իշխանութեան միջնաբերդն Անդրկովկասում, իր շուրջը համախմբելով ամբողջ Արևելյան Անդրկովկասը, Լենքորանից ու Կուբայից մինչև Ելիզավետպոլ, զենքը ձեռքին հաստատում է Անդրկովկասի ժողովուրդների իրավունքները, որոնք բոլոր ուժերով աշխատում են պահպանել կապը Սովետական Ռուսաստանի հետ: ... Անդրկովկասյան բնակչութիւնը դեմ է Թիֆլիսի ռեաւոլյուցիոնարութեան: Անդրկովկասյան բնակչութիւնը դեմ է Ռուսաստանից անջատելուն...»¹:

Անդրկովկասի եղբայրական ժողովուրդները, հակառակ կոնտրռոյոյունցիոն դաշնակների, մենչևիկների, մուսավաթականների դավաճանական քաղաքականութեանը, որոնք դեմ էին դիմագրելու գերմանո-թյուրքական զավթիչներին, համառ մարտեր են մղում Անդրկովկաս ներխուժած հորդանների դեմ: Դաշնակցական ավազակների դավաճանական քաղաքականութեան հետևանքով թյուրքական հորդանները զավթեցին Հայաստանի մեծ մասը, սրի մատնելով ժողովրդին և թալանելով հայ աշխատավորների ունեցւածքը:

Նույնը կատարւում էր Վրաստանում և Ադրբեջանում:

Այդ նույն ժամանակ անգլիական գլխատիչները, օկուպացնելով Իրանը, իրենց ճանկերն էին մեկնել դեպի Բաքու՝ սովետական կարգերը Բաքւում տապալելու, ամբողջ Ադրբեջանը իրենց տիրապետութեան տակ գցելու և այն Սովետական Ռուսաստանի դեմ պլանդարմ դարձնելու համար:

Իրանից անգլո-ամերիկյան իմպերիալիստները կապ էին հաստատել իրենց ագենտուրայի՝ մենչևիկների, դաշնակների և մուսավաթականների հետ և ղեկավարում էին նրանց հակասովետական գործունեութիւնը Բաքւում:

Բաքւի լուրջեկեցիները [Վ. Ի. Էնինի և Ի. Վ. Ստալինի ցուցումներով Ստ. Շահումյանի, Ա. Ջափարիձեի, Մ. Ազիզբեկովի, Վ. Ֆիոլետովի, Կարգանովի գլխավորութեամբ հերոսաբար կռւում էին մի կողմից առաջավոր դիրքերում գերմանո-թյուրքական հորդանների դեմ և մյուս կողմից՝ թիկունքում անգլիական ագենտուրայի դեմ, որը օգտւելով Բաքւի Սովետական իշխանութեան չափազանց ծանր դրութիւնից, կատաղի ագիտացիա էր մղում Անտանտայի զորքերի կողմից Բաքուն օկուպացնելու օգտին:

Չնայած Բաքւի լուրջեկեցիների համառ պայքարին, Բաքւի Սովետական իշխանութիւնը 1918 թ. հուլիսի 31-ին ժամանակավորապէս պարտւեց՝ անգլո-ամերիկյան և գերմանո-թյուրքական ու նրանց կոնտրռոյոյունցիոն ագենտուրայի գրոհի հետևանքով:

Բաքւում ստեղծվեց էսեոներից, մենչևիկներից և դաշնակներից կազմւած կոնտրռոյոյունցիոն ռեաւոլյուցիոնարութիւն, որի օժանդակութեամբ անգլիական զորքերը Հյուսիսային Իրանից ներխուժեցին Բաքու և օկուպացրին Ադրբեջանը:

Անտանտայի իմպերիալիստները գաղութացնելով Ադրբեջանը, սկսեցին թալանել և քայքայել նրա ժողովրդական տնտեսութիւնը: Նրանք Բաքւից դուրս տարան հազարավոր փութ նավթ, բենզին, զավթել էին

Ի. Վ. Ստալին, Երկեր, հատ. 4, էջ 108—109:

Բաքու—Բաթում նավթամուղը, ամբողջ երկաթուղային և ծովային արանսպորտը: Անգլիական զավթիչները դուրս տարան Բաքվի բանկի ամբողջ արժեքները:

Արխիվային փաստաթղթերում, Ադրբեջանի աշխատավորների հազարավոր նամակներում և բողոքներում խոսվում է օտարերկրյա զավթիչների և նրանց լակեյներ՝ էսեոների, մենշևիկների, մուսավաթականների և դաշնականների գազանությունների, կեղեքումների, թալանի, սպանությունների մասին:

Անգլիական իմպերիալիստները, չցանկանալով գերմանո-թյուրքական զորքերի հետ մարտի բռնվել, թողեցին Բաքուն և փախան Կրասնովոդսկ: Անգլիական իմպերիալիստները, էսեոների, մենշևիկների և դաշնականների օգնությամբ, սեպտեմբերի 20-ին Անդրկասպիայի ավազուտներում գազանարար հռչակեցին Բաքվի հերոսական կոմունայի ղեկավարներին, անձնագրի կոմունիստներ՝ Ստ. Շահումյանին, Ա. Ջափարիձեին, Մ. Ազիզբեկովին, Վ. Ֆիոլետովին, Կարգանովին և մյուսներին:

Անգլիական իմպերիալիստները և նրանց լակեյներ՝ էսեոները, մենշևիկները, դաշնականները սպանելով Բաքվի բոլշևիկների ղեկավարներին, հույս ունեին վերջ տալ Ադրբեջանի աշխատավոր մասսաների ռևոլյուցիոն պայքարին: «Սպանելով առաջնորդներին, կոնտռոլյուցիան չկարողացավ սպանել պրուլետարիատին, որը հենց երկրորդ օրը վերսկսեց իր մեծ պայքարը...»¹ գրել է Մ. Օրջոնիկիձեն:

Մի կողմից Անդրկովկասում օրավուր աճող ռևոլյուցիոն պայքարի, մյուս կողմից գերմանո-թյուրքական կռաւիցիայի իմպերիալիստական պատերազմում պարտության հետևանքով, գերմանո-թյուրքական զավթիչները հարկադրված եղան թողնել Անդրկովկասը:

Գերմանո-թյուրքական զավթիչների հեռացումից հետո մենշևիկների, դաշնակցականների և մուսավաթականների օգնությամբ անգլո-ամերիկյան իմպերիալիզմը իր տիրապետությունն է հաստատում Անդրկովկասում: 1918 թ. գեկտեմբերի 23-ին անգլիական մի դիվիզիա դեսանտ է իջեցնում Բաթումում, որից հետո անգլիացիները տիրում են ամբողջ Վրաստանին: Մենշևիկների Վրաստանի ղեկավարությունը՝ իր թերթերում անգլիացիներին համարում էր միակ փրկարարներ, որոնց օգնությամբ մենշևիկները հույս ունեին խեղդել մեծ թափ ստացած ռևոլյուցիոն շարժումը և ամրացնել իրենց արյունոտ տիրապետությունը Վրաստանում:

Վրաստանի Արտաքին Գործերի մինիստր Ե. Գեկեչկորին Անդրկովկասի անգլիական կոմիսար Ուարդրոպի հետ ունեցած իր զրույցում հայտարարում է՝ «Վրաստանի կառավարությունը հասկանում է, որ նա պետք է հենվի մի որևէ ամուր պետական մարմնի վրա և այդ թեկադրում է մեզ որոշակի կողմնորոշել մեր օրինատացիան դեպի Անգլիա»²:

Դաշնակցական Վրաստանի ղեկավարությունը՝ նույնպես, ամբողջ հույսերը կապելով անգլիացիների հետ, իր 1918 թ. գեկտեմբերի արտակարգ նիստում ընդունեց հատուկ որոշում՝ Հայաստանը գցել Անգլիայի տիրապետության տակ:

¹ Г. К. Орджоникидзе, Избранные статьи и речи, 1945, стр. 83.

² „Красный архив“, т. 2, 1927, стр. 166—167.

Այսպիսով, մենչևիկները, մուսավաթականները և դաշնականները ամբողջ Անդրկովկասը հանձնեցին անգլիական գիշատիչ իմպերիալիստներին։ Անգլիական զավթիչները դաշնականների, մենչևիկների և մուսավաթականների աջակցությամբ թալանում էին հայ, վրացի և Ադրբեջանցի աշխատավոր մասսաներին։ Նրանք զավթել էին Բաքու—Բաթում նավթամուղը և փաստորեն տիրացել էին Վրաստանի բոլոր երկաթգծերին։ Թիֆլիսի փոստը, հեռագրատունը, ամենալավ շենքերը վերցրել էին իրենց ձեռքը։

Անդրկովկասի օկուպացիայի ժամանակաշրջանում անգլիական զավթիչները երկրից դուրս են տարել 26 միլիոն փութ մանգան, 30 միլիոն փութ նավթ, մեծ քանակությամբ անտառանյութ, բամբակ, ծխախոտ և բազմաթիվ այլ նյութեր։ Մենչևիկների, դաշնականների և մուսավաթականների այսպես կոչված կառավարությունները հանդիսանում էին անգլիացիների հիշու հպատակները։ Այդ «կառավարությունները» իրենց ներքին քաղաքականությունը ամբողջապես համաձայնեցնում էին անգլիացիների հետ։ Վոլկասը տնքում է անգլիական իմպերիալիզմի կրնկի տակ—կարդում ենք «Жизнь национальностей» թերթում¹։

Անգլիացիները Հայաստանում, Վրաստանում և Ադրբեջանում ստեղծել էին ռազմա-ոստիկանական դաժան ռեժիմ՝ ռեուլյուցիոն շարժումները խեղդելու համար։ Անգլիական գաղութարարների լիակատար տիրապետության մասին բուրժուական ժուռնալիստ Լուի Ֆիշերը գրում է. «Անգլիացիները Անդրկովկասում սկսել են տեղավորվել տնավարի։ Նրանք իրենց տիրապետության տակ են վերցրել պետական բանկը, փոստը, հեռագրատունը, նավերը և այլն, և ձեռնամուխ են եղել ոստիկանական և տնտեսական ֆունկցիաների կատարմանը»²։ Նույն զավթողական քաղաքականությունն էին վարում նաև ֆրանսիական իմպերիալիստները։

1919 թ. Կարմիր Բանակի լուսաշխատացումը դեպի Կովկաս, բոլշևիկների պարտիայի ղեկավարությամբ աճող ռեուլյուցիոն շարժումը, Հայաստանում, Վրաստանում և Ադրբեջանում սովետական կարգեր ստեղծելու համար ներքին և արտաքին թշնամիների դեմ մղվող պայքարը, Անգլիայում «ձեռքերդ հեռու Առվետական Ռուսաստանից» լոզունգի տակ ուժեղացած պայքարը և վերջապես, անգլիական օկուպացիոն զորքերի մեջ ուժեղացող խմորումները՝ անգլիական կառավարությանը ստիպեցին իր օկուպացիոն զորքերը դուրս հանել Անդրկովկասից։ Լիոյդ Ջորջը դեռ 1919 թ. հունվարի 12-ին Փարիզի կոնֆերենցիայի դելեգատների նախապատրաստման նիստում, երբ քննարկվում էր «ռուսական հարցը», ստիպված էր հայտարարել, որ Անտանտայի երկրների զինվորները չեն ուզում կովել Ռուսաստանում։ Լիոյդ Ջորջը երկյուղ արտահայտեց, որ լրացուցիչ անգլիական զորքեր ուղարկելու փորձը նույնպես կվերջանա ապստամբությունով։

Անդրկովկասի կոնտրռեուլյուցիոն «կառավարությունները» երկրում ռեուլյուցիոն շարժումը խեղդելու և իրենց արյունարբու տիրապետությունը շարունակելու համար դիմում են ամերիկյան գիշատիչ իմպերիալիստներին, որոնք իրենց զավթողական, հակասովետական պլանների մեջ Ան-

¹ «Жизнь национальностей», № 17 за 1919 г.

² Л у и Ф и ш е р, Империализм нефти, стр. 24—25.

դրրկովկասին հատկացրել էին առանձնահատուկ տեղ: Փարիզի կոնֆերենցիայի փաստաթղթերը, որոնք կազմված են 12 խոշոր հատորներից¹, ցույց են տալիս, թե ամերիկյան իմպերիալիստները ինչու էին շահագրգռված Անդրկովկասի հարցով, մանավանդ այսպես կոչված, հայկական հարցով, կապված «ոռուսական» կամ «թյուրքական» հարցերի հետ, որոնց քննարկմանը հատկացվել են կոնֆերենցիայի բազմաթիվ նիստերը: Այդ փաստաթղթերը ցույց տվեցին, որ ԱՄՆ-ին հետաքրքրում էր ոչ թե Հայաստանի և հայ ժողովրդի փրկություն հարցը, այլ իր գաղութային նպատակները: Նա, օգտվելով այն փաստից, որ հայերը ցրված են Հայաստանի սահմաններից դուրս, շատ երկրներում, ցանկանում էր հենվել Հայաստանի, այսպես կոչված մանդատի վրա և իր տիրապետության տակ գցել այն բոլոր երկրները, որտեղ բնակվում էին հայեր: Այդ մասին ամերիկյան գեներալ Ջորջ Մոսլին բացահայտ գրել է. «ԱՄՆ-ը պետք է լիակատար կերպով իշխի այն բոլոր տերիտորիաների վրա, որտեղ հայեր են ապրում, ոչ միայն Հայաստանում, այլև Ռուսաստանում, Վրաստանում, Ադրբեջանում, Թյուրքիայում»²: Դրանով է բացատրվում այն, որ երբ 10-ի խորհրդի 1919 թ. փետրվարի 26-ի նիստում դաշնակցական Հայաստանի ներկայացուցիչները ԱՄՆ-ի պրեզիդենտ Վիլսոնին ներկայացրին իրենց ադերսագիրը՝ Հայաստանն ընդունել ԱՄՆ-ի հովանավորության տակ, Վիլսոնը ժողովին խնդրեց այդ հարցը հետաձգել, քանի որ դա անմիջապես կապված էր Թյուրքիայի պրոբլեմի հետ: Նա իր ելույթում նշեց, որ վաղօրոք հարկավոր էր ուսումնասիրել Հայաստանը, Թյուրքահայաստանը, ամբողջ Անդրկովկասը և սահմանամերձ երկրները: Վիլսոնի առաջարկով, այդ նպատակով որոշվում է Արեւելք ուղարկել 26 հոգուց բաղկացած հատուկ ուղեգնական միսիա՝ ամերիկյան գեներալ Հարրեթի գլխավորությամբ: Այդ միսիային տրված ինստրուկցիայում առաջարկվում էր «տեղում ուսումնասիրել Թյուրքահայաստանը, ամբողջ ոռուսական Անդրկովկասը և սահմանամերձ երկրները քաղաքական, տնտեսական, ուղեգնական, աշխարհագրական, վարչական և ամերիկյան շահերից բխող այլ տեսակետներից»³: Այդ ինստրուկցիայից պարզ երևում է, որ ԱՄՆ-ի իմպերիալիստներին հետաքրքրում էր ոչ միայն Հայաստանը, այլ Վրաստանը, Ադրբեջանը և ամբողջ Թյուրքիան ու նրա լծի տակ գտնվող արարական երկրները:

Ժողովուրդների աչքին թող փչելու, և Սովետական իշխանության խաղաղասիրական քաղաքականության ազդեցությունը թուլացնելու նպատակով Վիլսոնը հանդես է գալիս իր տիրահոշակ 14 կետերով: Վիլսոնի 14 կետերի կոմենտարիաները, գրված Եվրոպայում Վիլսոնի ներկայացուցիչ գնդապետ Հաուզի կողմից՝ 1918 թ. հոկտեմբերի վերջին (որի մասին ժողովուրդները չէին իմանում), բացահայտ կերպով ցույց են տալիս ամերիկյան իմպերիալիստների զավթողական քաղաքականության ահեղ մասշտաբները: Այդ կոմենտարներում առաջարկվում էր ժամանակավոր կա-

¹ «Papers Relating to the Foreign Relations of the US, the Paris Peace Conference», 1919.

² См. К у н и н а, Провал американских планов завоевания мирового господства в 1917—1920 гг., изд. 1951 г., стр. 89—90.

³ Foreign Relations of the US. 1919, vol. II, p. 841.

աավարությունների ճանաչում, օգնություն այդ կառավարություններին, կովկասը պետք էր գիտել որպես թյուրքիայի պրոքլեմի մի մասը:

Միջին Ասիան նույնպես դիտվում էր որպես Ռուսաստանի հետ ոչ մի առնչություն չունեցող երկրամաս¹:

«Ամերիկյան իմպերիալիստները,—գրում է Լենինը,— ձգտում են համոզել աշխարհին և հասարակական կարծիք ստեղծել այն մասին, որ իբր թե հանդես են գալիս փոքր ժողովուրդների շահերի պաշտպանի դերում, այն պահին, երբ Վիլսոնի «իդեալականացրած» դեմոկրատական ռեսպուբլիկան հանդիսանում է ամենակատաղի իմպերիալիզմը, փոքր ու թույլ ժողովուրդների ամենաանամոթ ճնշողն ու խեղդողը»²:

Վիլսոնը ամերիկյան զավթիչների ագրեսիվ պլանները իրականացնելու համար Անդրկովկաս ուղարկեց Հարրերդի միսիան:

Ամերիկյան իմպերիալիզմի այդ պլանը հայտնի էր դեռ նախքան Հարրերդի միսիայի գործունեությունը:

Այդ են վկայում Փարիզի կոնֆերենցիայի 1919 թ. հունվարի 30-ի նիստի արձանագրությունները: Այդ նիստում լսվեց թյուրքիայում մանդատային կոմիսիայի ամերիկյան սեկցիայի զեկուցումը, որտեղ բացահայտ կերպով ասված է, որ ԱՄՆ-ը ուզում է առանձին-առանձին մանդատ ստանալ ինչպես Հայաստանի, Վրաստանի և Ադրբեյջանի, նույնպես և Անատոլիայի և Կոստանդինոպոլսի համար³:

Ջեկուցողները նշել են, քանի որ Ամերիկան «պետք է» վերցնի Հայաստանի մանդատը, և, քանի որ «պարզ է, որ միայն Ամերիկան կարող է վերցնել Կոստանդինոպոլսի մանդատը», ապա անհրաժեշտ է նրան տալ թյուրքիայի հնացած մասի մանդատը, քանի որ «առանձին պետությունների պրոքլեմները Փոքր Ասիայում խիստ կապված են միմյանց հետ, այդ պատճառով էլ հնարավոր չէ հանձնել մանդատը տարբեր խնամակալների, որոնք անխուսափելիորեն ընդհարման մեջ կմտնեն»⁴:

Այսպիսով ամերիկյան իմպերիալիստները ծրագրել էին զավթել ողջ Մերձավոր և Միջին Արևելքի երկրներն ու Անդրկովկասը:

Լենինը բացահայտելով իմպերիալիստական պետությունների զավթողական քաղաքականության մանդատային նոր ձևը գրել է. «Եվ երբ խոսում են գաղութների մանդատներ բաժանելու մասին, մենք հիանալի գիտենք, որ դա մանդատների բաժանումն է հափշտակման, կողոպուտի համար, որ դա երկրագնդի բնակչության մի չնչին մասի իրավունքների բաժանումն է երկրագնդի բնակչության մեծամասնությանը շահագործելու համար»⁵:

Ամերիկյան իմպերիալիստների պարագլուխ պրեզիդենտ Վիլսոնը դեռ Հայաստանի մանդատը ԱՄՆ-ի սենատի կողմից չհաստատված շտապում է Հայաստանը գցել Ամերիկայի տիրապետության տակ: Փարիզում հինգ պետությունների պատվիրակությունների ղեկավարների 1919 թ. հուլիսի 2-ի

¹ «Архив полковника Хауза», т. 4, М. 1939, стр. 153.

² В. И. Ленин, Соч., т. XXVII, стр. 169.

³ Foreign Relations of the US, 1919, vol. XII, p. 839.

⁴ Մեջբերումը վերցրել ենք «Вопросы истории» № 3, 1951, էջ 74:

⁵ Վ. Ի. Լենին, Երկեր, հատոր 30, էջ 186:

նիստում Վիլսոնի պահանջով գնդապետ Հասկելը նշանակվում է Հայաստանի Բերազույն կոմիսար¹։

Հասկելի իրավասության մեջ, բացի Հայաստանից, մտնում էր նաև թյուրքիան և ամբողջ Անդրկովկասը։ Փարիզի կոնֆերենցիայի 1919 թ. հունիսի 5-ի նիստի բանաձևում ասված է, որ ԱՄՆ-ի, Մեծ Բրիտանիայի, Ֆրանսիայի, Բուլղարիայի, Ռումինիայի, Նեդերլանդացիների Հայաստանում, Վրաստանում, Ադրբեջանում և Կոստանդինուպոլսում պետք է ստանան հրահանգ համատեղ գործակցության մասին՝ ամերիկյան գնդապետ Հասկելի հետ և օգնեն նրան։

Այդ բոլորը ասում են այն մասին, որ ամերիկյան գաղութարարներն ուզում էին զավթել Սովետական Ռուսաստանի հարավում գտնված սահմանամերձ բոլոր երկրները և ստեղծել միասնական հակասովետական պլանդարմ՝ ընդդեմ Սովետական Ռուսաստանի։

Մեր ռեսպուբլիկայի Պետական կենտրոնական արխիվում կան բազմաթիվ փաստաթղթեր և նյութեր դաշնակ-մաուզերիստների և նրանց տերերի անգլո-ամերիկյան գաղութարարների կողմից Հայաստանի և հայ աշխատավոր մասսաների կողոպուտի, թալանի, գազանությունների մասին։ Ամերիկյան զավթիչները, հենվելով իրենց դաշնակ լակեյների վրա «օգնության» քողի տակ Հայաստանից դուրս էին հանում երկրի հարստությունը, հայ աշխատավոր մասսաների վերջին ունեցվածքը։ Դրա փոխարեն սովամահ եղած ժողովրդին իբրև «օգնություն» տալիս էին չնչին քանակությամբ փած, փչացած մթերքներ ու ապրանքներ։

Ամերիկյան կեղեքիչները մեծ աղմուկ էին հանել հայ որբ երեխաների որբանոցների կազմակերպման կապակցությամբ։ Բրաիանում այս հարցում ևս ԱՄՆ-ի գաղութարարները հետապնդել են իրենց զուտ իմպերիալիստական նպատակները։ Նրանք առողջ երեխաներին որբանոցներից ուղարկում էին ԱՄՆ՝ որպես էժան բանվորական ուժ։ Որբանոցներում սովից և հիվանդություններից մահանում էին տասնյակ հազարավոր երեխաներ։

Դաշնակցական ավազակներն իրենց ամերիկյան տերերի թելադրանքով քամում էին աշխատավոր մասսաների վերջին կաթիլ քրտինքը, իրենց ավանտյուրիստական պլանները իրագործելու համար։ Ամենուրեք գյուղերում պտտվում էին դաշնակ ավազակախմբերը, որոնք թալանում էին գյուղացիներին, անխնա սրի էին մատնում գժգոհներին։ Մարդ սպանելը դաշնակ մաուզերիստների համար զվարճություն և պարծանք էր։ «Անկախ» դաշնակցական Հայաստանում իշխում էր անարխիան, սովը և մահը, «Հայաստանը,—ասում է ընկ. Միկոյանը,—դաշնակների ժամանակ որբերի երկիր էր, արցունքի երկիր, աղքատության ու վայրենի կամայականության երկիր»²։

Նույն դրության մեջ էին ընկել Վրաստանը և Ադրբեջանը մենչևիկներին և մուսավաթականների ու նրանց տերեր անգլո-ամերիկյան կեղեքիչների կարճատև տիրապետության ժամանակ։ Վրաստանում տնտեսու-

¹ «Foreign Relations of the US 1919», vol. VIII, p. 43.

² Ա. Ի. Միկոյան, Ճառ Երևանի Ստալինյան բնորակա ուղղակի բնորոշների ժողովում, 9 դեկտ. 1937 թ., հր. 1939 թ., էջ 10։

թյան ավերումը հասել էր ծայր աստիճանի. արդյունաբերական ձեռնարկությունները բոլորովին քայքայվել էին: Բավական է նշել, որ 26 մանգանի գործարաններից գործում էր միայն 3-ը. չտեսնված թափով աճել էր գործազուրկների թիվը. կապիտալիստներն իրենց առավելագույն շահույթը ապահովելու համար փակում էին գործարաններն ու ֆարրիկաները և զրադվում առևտրով: Սպեկուլյացիան անչափ աճել էր: Անգլո-ամերիկյան փրկած ապրանքները ողողել էին նաև Վրաստանի շուկան: Աշխատավոր մասսաների դրությունը տնտեսական և ֆինանսական ճգնաժամի հետևանքով շատ ծանր էր. բանվորների աշխատավարձը բավականապես էր միայն մի քանի օր, իսկ ամսվա մնացած օրերը զուրկ էին ամեն ինչից:

Ծանր էր նաև աշխատավոր գյուղացիության դրությունը, որի մեծ մասը հողազուրկ էր: Հողազուրկ գյուղացիները ստիպված էին մշակել կալվածատերերի ու կուլակների հողերը, որի համար նրանք ստանում էին բերքի չափազանց չնչին մասը: Գյուղացիների վզին էր դրված մենշևիկների «կառավարության» հսրկային ամբողջ սխտեմը: Մենշևիկների տիրապետության օրոք էլ ավելի ուժեղացան կալվածատերերն ու կուլակները, որոնք գյուղում հանդիսանում էին մենշևիկների հենարանը:

Ինչպես Հայաստանը և Վրաստանը, նույնպես և Ադրբեջանը դարձել էր անգլիական իմպերիալիզմի գաղութը: Անգլիացիները կողոպտեցին Ադրբեջանի ժողովրդի հարստությունը և քայքայման հասցրին ամբողջ տնտեսությունը: Անգլիական ինտերվենտները իրենց ձեռքը գցեցին Ադրբեջանի տնտեսության բոլոր կարևոր ճյուղերը, ինչպես օրինակ, Բաքվի նավթային արդյունաբերությունը, ծովային և երկաթուղային տրանսպորտը: Անգլիական օկուպանտները և նրանց լակեյներ մուսավաթականները ամենահաճախ կերպով խեղդում էին Ադրբեջանի բանվորների և աշխատավոր գյուղացիների ուղղություն պայքարը: Բանվորների և գյուղացիների դրությունը անգլիացիների տիրապետության օրոք էլ ավելի վատթարացավ: Ադրբեջանի բեկերն ու խաները անգլիական սվինների օգնությամբ քամում էին գյուղացիների արյան վերջին կաթիլները:

Այսպես էր Հայաստանի, Վրաստանի և Ադրբեջանի դրությունը դաշնականների, մենշևիկների, մուսավաթականների և նրանց տերեր՝ անգլո-ամերիկյան իմպերիալիստների տիրապետության օրոք՝ 1918—1920 թվականներին:

Հոկտեմբերյան Սոցիալիստական Մեծ ուղյուղային առաջին իսկ օրից Անդրկովկասի աշխատավոր մասսաները բողոքական պարտիայի գլխավորությամբ, Լենինի և Ստալինի անմիջական ղուգումներով, համառ պայքար են մղում սովետական կարգեր ստեղծելու համար: Այդ պայքարը ավելի ուժեղացավ և լայն ծավալ ստացավ 1919 թ. երբ դաշնականները, մենշևիկները և մուսավաթականները Անդրկովկասը գցեցին անգլո-ամերիկյան իմպերիալիստների տիրապետության տակ:

Խոշոր գործադուլի դիմեցին Երևանի և Ալեքսանդրոպոլի արհեստանոցների բանվորները, նույն 1919 թ. գործադուլ հայտարարեցին Ալեքսանդրոպոլի տպագրական բանվորները: Մեծ գործադուլներ տեղի ունեցան Կարսում, Սարիղամիշում և այլ տեղերում: Բողոքների ղեկավարությամբ Սարիղամիշի բանվորները որոշում են ամերիկյան գնդապետ Հասկելի Սարիղամիշ գալու կապակցությամբ բողոքի ցույց կազմակերպել՝ հակառակ

դաշնականների ցանկության, որոնք պատրաստվում էին նրան դիմավորել հանդիսավոր կերպով։ Բանվորները քանդելով երկաթգիծը, արգելադրում են դաշնականների նպատակների իրականացումը։

Գործադուլի են դիմում Անդրկովկասի երկաթուղային բանվորները։ Անդրկովկասի երկաթուղիները գտնվում էին անգլո-ամերիկյան գաղութարարների ձեռքում և հենց այդ պատճառով էլ պատահական չէր, որ երկաթուղայինների գործադուլները ավելի հաճախ էին լինում։ Երկաթուղայինները, բոլշևիկների ղեկավարությամբ, ամեն կերպ աշխատում էին որպեսզի խանգարեն անգլո-ամերիկյան իմպերիալիստներին օգտագործելու այդ երկաթուղիները Սովետական Ռուսաստանի դեմ ուղղված նպատակների համար։ Երկաթգծի բանվորները խորտակում էին ինտերվենտների զինամթերքներով բեռնված զնացքները՝ կամուրջների և երկաթգծի պայթեցման միջոցով։

Հոկտեմբերյան Սոցիալիստական Մեծ ռևոլյուցիայի անմիջական ազդեցության տակ Անդրկովկասում ամենուրեք ուժեղ թափով ծավալվում էր աշխատավոր գյուղացիության պայքարը, ինչպես կալվածատիրական հողատիրության դեմ, այնպես էլ օտարերկրյա զավթիչների դեմ։ Հողագուրկ գյուղացիները բռնագրավում էին կալվածատերերի, խաների, բեկերի հողերը, որի ժամանակ տեղի էին ունենում խոշոր ընդհարումներ։ Դյուղացիները հրաժարվում էին հարկ վճարելուց, ստեղծում էին գյուղական սովետներ, կազմակերպում էին ռևոլյուցիոն ջոկատներ։ Դաշնականները, մենշևիկները և մուսավաթականները իրենց անգլո-ամերիկյան տերերի հետ միասին դիմում էին ամենազաժան մեթոդների՝ գյուղացիական ռևոլյուցիոն շարժումը արյան մեջ խեղդելու համար։

Անգլո-ամերիկյան զավթիչների և նրանց լակեյների սպառնալիքներն ու տեռորը, ոչ թե թուլացնում, այլ, ընդհակառակը, էլ ավելի էին ուժեղացնում Անդրկովկասի բանվորների և աշխատավոր գյուղացիների պայքարը, որի նպատակն էր վերջ տալ անգլո-ամերիկյան իմպերիալիստների և նրանց լակեյների արյունոտ տիրապետությանը Անդրկովկասում և երկրում ստեղծել սովետական կարգեր։

Կարմիր Բանակի տարած հաղթանակները՝ 1919—1920 թվականներին ընթացքում, էլ ավելի էին ոգևորում Անդրկովկասի աշխատավոր մասսաներին՝ սովետական կարգեր հաստատելու համար մղված նրանց պայքարում։ Կարմիր Բանակի հաղթական երթը դեպի Կովկաս անսահման ոգևորություն պատճառեց Հյուսիսային Կովկասի և Անդրկովկասի բանվորներին ու աշխատավոր գյուղացիներին, որոնք ռևոլյուցիոն պայքար էին ծավալել անգլո-ամերիկյան ինտերվենտների և նրանց լակեյներ՝ մենշևիկների, դաշնականների և մուսավաթականների արյունոտ լծի դեմ։

1920 թ. սկզբներին Լենինի և Ստալինի ցուցումներով, Օրջոնիկիձեի, Կիրովի և Միկոյանի ղլխավորությամբ հերոսական Կարմիր Բանակը օգնության եկավ Հյուսիսային Կովկասի և Անդրկովկասի աշխատավոր մասսաներին։ 1920 թ. ապրիլի 28-ին Ադրբեջանի ապստամբ բանվորները ու աշխատավոր գյուղացիները Սովետական Ռուսաստանի փառապանծ 11-րդ Բանակի օգնությամբ Ադրբեջանում ստեղծեցին սովետական կարգեր և գրանդով վերջ դրվեց մուսավաթականների և օտարերկրյա իմպերիալիստների արյունոտ տիրապետությանը։

Սովետական կարգերի հաստատումը Ադրբեջանում նոր թափ տվեց Հայաստանի բանվորների և աշխատավոր գյուղացիների ուղղություն պայքարին, որը վերածվեց մայիսյան զինված խոշոր ապստամբության: Հայաստանի մի շարք շրջաններում, ինչպես, օրինակ, Ալեքսանդրոպոլի, Կարսի, Սարիղամիշի, Նոր-Բայազետի, Դիլիջանի, Իջևանի, Ջանգեզուրի, Սիսիանի և ուրիշ շրջաններում բռնկվեց մինչև այդ չտեսնված մասսոյական ուղղություն շարժում՝ մարիոնետային «կառավարություն» ու նրա իմպերիալիստական տերերի դեմ¹: Չնայած ժամանակավոր պարտությունը, մայիսյան ապստամբությունը ուղղություն մի մեծ դաս էր Հայաստանի բանվորների և աշխատավոր գյուղացիների համար, որոնք մեծ փորձառություն ձեռք բերին սովետական կարգերի վերջնական հաղթանակի համար մղվող պայքարում:

1920 թ. աշնանը հերոսական Կարմիր Բանակը ջախջախեց և գուրս շարժեց ուսական սահմաններից անդրո-ամերիկյան գիշատիչների վերջին հենարաններին՝ Պանակաև Լեհաստանի զորքերին և Վրանգելին: Դրանից հետո անդրո-ամերիկյան իմպերիալիստները իրենց հույսը դրին քեմալական Թյուրքիայի վրա, աշխատելով Թյուրքիային գուրս բերել Սովետական Ռուսաստանի դեմ:

Անդրո-ամերիկյան իմպերիալիստներն ամեն ջանք թափում էին, որպեսզի Կովկասի կոնտրոլությունն ուժերը գուրս բերեն Սովետական Ռուսաստանի դեմ: Այդ հարցով զբաղվել են Փարիզի կոնֆերենցիայի մի շարք նիստերում², որոնց մասնակցել են նաև Կովկասի կոնտրոլություն «կառավարություններ» ներկայացուցիչները: Իմպերիալիստական գայլեր Վիլսոնը, Կլեմանսոն, Լյուդ Զորը, Փարիզի «Պաղատություն» կոնֆերանսում փաստորեն հարցաքննում էին իրենց Կովկասի լակեյներին, թե արդյոք նրանք ի վիճակի են Կովկասը «պաշտպանելու» ընդհանրապես: Երկար հարցաքննություններից հետո իմպերիալիստական գայլերը գալիս են այն համոզմունքին, որ Անդրկովկասի «ոչսպառնալիկները» ի վիճակի չեն կատարելու իրենց տերերի հակասովետական պլանները: Ահա թե ինչու անդրո-ամերիկյան իմպերիալիստներն իրենց հույսերը կապում են քեմալական Թյուրքիայի հետ, որի դեմ մինչև այդ նրանք պատերազմում էին՝ Թյուրքիան զավթելու համար: «Հարկավոր է ճանաչել Քեմալին, տալ նրան Հայաստանում կատարած ծախսերի փոխհատուցումը և նա կհամաձայնվի կարմիրներին գուրս վռնել Բաքվից»³:

Կեմալական Թյուրքիան անդրո-ամերիկյան իմպերիալիստների վերջին հույսն էր: Ընկեր Ստալինը ժամանակին բացահայտեց և գիմակազերծ արեց անդրո-ամերիկյան և Թյուրքական իմպերիալիստների խարդախ գիվանագիտության պլանները: «Անտանտան,— գրում է ընկեր Ստալինը,— որ հարկադրված հաշտվեց լեհերի հետ հաշտություն կնքվելու փաստի հետ, ըստ բոլոր տվյալների, մտադիր չէ ղեկքը ցած գնելու, նա, ըստ երևույթին, մտադիր է ուղղակի գործողությունների ծանրության կենտրոնը փոխադրել հարավ, Անդրկովկասի շրջանը...»⁴: Անդրո-ամերիկյան իմպե-

¹ ՀՍՍՌ ԳԱ Հասարակական գիտությունների «Տեղեկագիր» № 10, 1949, էջ 21:

² ՏՏՍ «Foreign Relations of the US, 1919», vol. IX, pp. 836—838, 892, 894, 904, 958:

³ Daily Herald, 13 XI/1920:

⁴ Ի. Վ. Ստալին, Երկեր, հատոր 6, էջ 420:

րիալիստները, հաշվի առնելով քեմալականների ագրեսիվ, զավթողական պան-թյուրքական պլանները, որոշեցին թյուրքիայի և դաշնակցականների միջև պատերազմ հրահրել: 1920 թ. աշնանը սկսվեց պատերազմ դաշնակցական Հայաստանի և Քեմալական թյուրքիայի միջև: Այդ պատերազմը վերջացավ դաշնակ ավանտյուրիստների լիակատար պարտությամբ: Թյուրք-ենիշերինները գրավեցին Սարիղամիշը, Կարսը, Ալեքսանդրոպոլը:

Քեմալական հորդանները գրավելով Հայաստանի մեծ մասը, պատրաստվում էին հարձակվել Երևանի վրա: Հայ ժողովուրդը կանգնած էր իր կործանման եզրին: Թյուրք-ենիշերինները Հայաստանի զավթած տերիտորիայում սրի էին մատնում բնակչությանը, ավերում էին ամեն ինչ, թալանի մատնելով հայ ժողովրդի վերջին ունեցվածքը: Միակ պետությունը, որ բազմիցս միջամտել էր հայ աշխատավոր մասսաներին օգնելու, ֆիզիկական բնաջնջումից փրկելու համար, դա Սովետական Ռուսաստանն էր, ովս մեծ ժողովուրդը, որը միշտ էլ եղել է ինչպես հայ ժողովրդի, նույնպես և Անդրկովկասի մյուս եղբայրական ժողովուրդների փրկարարը:

Հայաստանին և հայ աշխատավոր մասսաներին վերջնական ոչնչացումից փրկեց Սովետական Ռուսաստանը, բոլշևիկների պարտիան՝ Լենինի և Ստալինի անմիջական գլխավորությամբ: Ընկեր Ստալինը 1920 թ. նոյեմբերի սկզբին գալով Բաքու, մոտիկից ծանոթանում է Հայաստանի ծանր դրության հետ և Անդրկովկասի բոլշևիկների առաջ խնդիր է դնում ինչ էլ որ լինի, փրկել Հայաստանը:

Լենինի և Ստալինի անմիջական ցուցումներով Հայաստանի ապրտամբ բանվորներին ու աշխատավոր գյուղացիներին օգնության են հասնում փառապանծ 11-րդ բանակի զորամասերը՝ ընկերներ Կիրովի, Օրջոնիկիձեի և Միկոյանի գլխավորությամբ և նոյեմբերի 29-ին տապալում են դաշնակ լակեյների և նրանց տերերի՝ անգլո-ամերիկյան իմպերիալիստների արյունոտ տիրապետությունը: Հայաստանը հայտարարվում է Սովետական Ռեսպուբլիկա: Հայաստանում սովետական կարգերի հաղթանակի կապակցությամբ ընկեր Ստալինը գեկտեմբերի 4-ի «Պրավդա» թերթի համարում տպված իր «Կեցցե՛ Սովետական Հայաստանը» հոդվածում գրում է. «Տանջված ու բազմաչարչար, Անտանտայի և դաշնակների ողորմածությամբ սովի, քայքայման ու վաղթի մատնված Հայաստանը, — բոլոր «բարեկամների» կողմից խաբված այդ Հայաստանը այժմ իր փրկությունը գտավ այն բանի մեջ, որ իրեն հայտարարեց Սովետական երկիր:

Ո՛չ Անգլիայի, հայկական շահերի «գարավոր պաշտպանի» կեղծ հավաստիացումները, ոչ Վիլսոնի տխրահռչակ տասնևչորս կետերը, ոչ Ազգերի լիգայի մեծադողորդ խոստումները Հայաստանի կառավարման իր «մանդատով» — չկարողացան (և չէին կարող) փրկել Հայաստանը կոտորածից ու ֆիզիկական բնաջնջումից: Միայն Սովետական իշխանության գաղափարը Հայաստանին բերեց խաղաղություն և ազգային վերածննդի հնարավորություն¹:

Դենիկինի և Վրանգելի ուժերի ջախջախումը Կարմիր Բանակի կողմից, սովետական կարգերի հաստատումը Ադրբեջանում և Հայաստանում

¹ Ի. Վ. Ստալին, Երկեր, հատոր 4, էջ 458:

խոշոր հարված հասցրին անգլո-ամերիկյան հակասովետական ագրեսիվ պլաններին։

Անգլիայի և ԱՄՆ-ի միակ բազան Անդրկովկասում մնում էր մենշևիկյան Վրաստանը։ Վրաստանում էին հավաքվել բոլոր կոնտրոկոլյուցիոն ուժերը։ Թիֆլիսում էին գտնվում Սովետական Ռուսաստանից, Թերեքից, Կուրանից, Իոնից, Լրիմից, Դադստանից, Ադրբեջանից և դաշնակցական Հայաստանից փախած կոնտրոկոլյուցիոն ուժերի թափթփուկները։ Վրաստանը,—ասել է Ս. Օրջոնիկիձեն,—հանդիսացել է Անտանտայի գերին։ Նա ամբողջապես վեր է ածվել կոնտրոկոլյուցիայի բազայի՝ սովետական կարգերը Կովկասում խեղդելու համար։

Անգլո-ամերիկյան իմպերիալիստները որոշեցին մենշևիկներին, քեմալական Թյուրքիայի և դաշնակների օգնությամբ առաջին հերթին վերջ տալ սովետական կարգերին Հայաստանում ու Ադրբեջանում, որից հետո հարձակվել Սովետական Ռուսաստանի վրա։ Դա իմպերիալիստական պետութային կոգմից հակասովետական նոր արշավի նախապատրաստումն էր Անդրկովկասից։

Անդրկովկասի Ֆրանսիական գերագույն կոմիսար Շելալեն Թիֆլիսում 1920 թ. դեկտեմբերի 16-ին բացահայտ կերպով ասաց այդ մասին. «...ամբողջ աշխարհի շահերը պահանջում են տապալել սովետական կարգերը Հայաստանում և Ադրբեջանում»։

Նա միևնույն ժամանակ խոստացավ մենշևիկներին զինված օգնություն ցույց տալ, Վրաստանում ու Կոլյուցիոն շարժումը խեղդելու և Սովետական Ռուսաստանի վրա հարձակվելու համար¹։

Անգլո-ամերիկյան և Ֆրանսիական իմպերիալիստների թելադրանքով, մենշևիկներին «կառավարութայունը» Սովետական Ռուսաստանից Վրաստանի վրայով Սովետական Հայաստան ուղարկված ապրանքները և մթերքները թույլ չի տալիս Հայաստան տեղափոխել, որպեսզի գրանցված սպառնալիքից հայ ժողովրդին դուրս հանի Սովետական իշխանութային դեմ։ Վլադիմիր Իլյիչ Լենինը այդ կապակցությամբ անձամբ կանչում է իր մոտ մենշևիկներին կառավարութային ներկայացուցիչ Մախարաձեին և պահանջում է վերջ տալ այդ արգելակմանը։

Անգլո-ամերիկյան ագրեսորները 1920 թ. վերջերին և 1921 թ. սկզբներին Թյուրքիայի գործակալների ակտիվ մասնակցությամբ կազմակերպեցին մի շարք հակասովետական ապստամբութայուններ Հյուսիսային Կովկասում։

Անդրկովկասի բոլշևիկներին սրբազան պարտքն էր ինչ գնով էլ որ լինի, վերջ տալ իմպերիալիստական պետութայինների և նրանց վարձկանների գործողութայուններին՝ Անդրկովկասում։ Անդրկովկասի բոլշևիկյան կազմակերպութայունները, Օրջոնիկիձեի և Կիրովի գլխավորությամբ, մերկացնում են իմպերիալիստների նենգ պլանները և համառ պայքար են մղում մենշևիկների արյունոտ տիրապետութայունը վերջ տալու, օտարերկրյա ինտերվենտներին ջախջախելու և Անդրկովկասից դուրս շարտելու։

¹ Տե՛ս Գ. Խաչապուրիձե, Большевики Грузии в боях за победу советской власти, изд. 1951 г., стр. 302.

Վրաստանի բոլոր ծայրամասերում բանվորները և աշխատավոր գյուղացիները՝ հունվար և փետրվար ամիսներին Վրաստանի բոլշևիկների դեկլարությունում համառ մարտեր են մղում մենշևիկների բանգայի և նրանց տերերի՝ անգլո-ամերիկյան զավթիչների դեմ: 1921 թ. փետրվարի 12-ին տեղի ունեցավ զինված ապստամբություն նաև Լոռում:

Այն ժամանակ, երբ Կովկասյան բյուրոյի և Վրաստանի Կոմպարտիայի ղեկավարությունում վրացական հերոսական ժողովուրդը, սուս մեծ ժողովրդի և նրա Կարմիր Բանակի օգնությամբ թշնամուն հասցնում էին վերջին հարվածները և շրջապատել էին Թիֆլիսը, անգլո-ամերիկյան և թյուրքական ագրեսորների օգնությամբ Սովետական Հայաստանում դաշնակա միանությունները ապստամբություն բարձրացրին և փետրվարի 18-ին գրավեցին Երևանը: Վրաստանի մենշևիկների կառավարությունը, ինչպես նշել էր «Коммунист Грузии» թերթը, խոստանում է օգնել դաշնակներին: Փետրվարի 20-ին դաշնակների այսպես կոչված Հայաստանի Վերականգնման Կոմիտեի նախագահ Վրացյանը դիմում է Վրաստանի մենշևիկների կառավարությանը և օգնություն է խնդրում բոլշևիկների դեմ: Ընդհանուր ֆրոնտ կազմակերպելու համար, և միաժամանակ խոստանում է Վրաստանի ու Լոռվա ապստամբների թիկունքից հարվածել:

Այդ ժամանակ քեմալական Թյուրքիան, շարունակելով պանթյուրքական-զավթողական քաղաքականությունը, անգլո-ամերիկյան ինտերվենտների հետ միասին ակտիվ դործում էր ամբողջ Կովկասը և Միջին Ասիան զաղութացնելու համար: Դաշնակների փետրվարյան միանությունների ժամանակ քեմալականները նրանց օգնեցին զինված ուժով և զինամթերքով, հույս ունենալով, որ սովետական կարգերը Հայաստանում խեղդելուց հետո հերթը կհասնի Ադրբեջանին և նրանք կտիրանան այդ երկու երկրներին՝ և դրանով իսկ կօգնեն մենշևիկներին խեղդել զինված ապստամբությունը Վրաստանում: Պատահական չէր, որ մենշևիկների օգնությամբ մարտի 11-ին թյուրքական զորքերը գրավեցին Բաթումը, հույս ունենալով, այդտեղից ընդարձակել իրենց ագրեսիան: Մինչև անգամ Կարաբեկիր միաշայի լկտիությունը այն աստիճանին հասավ, որ փետրվարի 21-ին ուլտիմատով կերպով պահանջեց կատարել Ալեքսանդրոպոլի պայմանագրի բոլոր պահանջները:

Անդրկովկասի եղբայրական ժողովուրդները, բոլշևիկների պարտիայի ղեկավարությամբ, ուսս մեծ ժողովրդի և նրա բանակի օգնությամբ, ջախջախեցին անգլո-ամերիկյան և թյուրքական զավթիչների ու նրանց վարձկաններ դաշնակների, մենշևիկների և մուսավաթականների զինված ուժերը և դուրս շարժեցին Անդրկովկասի սահմաններից: Փետրվարի 25-ին ծածանվեց կարմիր դրոշմը նաև Վրաստանում:

Այսպիսով, Հոկտեմբերյան Սոցիալիստական Մեծ ռեվոլյուցիայի շնորհիվ Անդրկովկասի եղբայրական ժողովուրդները ընդամիշտ ազատագրվեցին ամերիկա-անգլիական գիշատիչ գաղութարարներից և նրանց ստոր գործակալներ դաշնակների, մենշևիկների, մուսավաթականների արյունոտ իրապետությունից և բռնեցին կոմունիզմի կառուցման հաղթական ուղին: